

2000-12-16
aurkibidea

EKONOMIA**20****Alturako arrantzari argi gorria piztu diote**

Harrapa daitezkeen espeziei urteko kuota ezarri die Europako Batasunak. Legatzaren harrapaketa % 54 murriztu du, eta, ondorioz, alturako arrantzaren egoera oso larria da.

NAZIOARTEKOA**22-23****Ocalanen aldeko helegitea**

Abdula Ocalan buruzagi kurdua hiltzera zigortu zuten Turkian, baina zigorraren aurkako helegitea onartu du Europako Batasunak.

NAZIOARTEKOA**25****Colloni elkarrizketa**

Michel Collon Belgikako kazetariak komunikabideen alde ezkutua azaldu dio EGUNKARIARI, Kosovotik hona etorri eta gero.

KIROLA**28-29****Urangak ongi egin du?**

Realzaleak ez dira ados jarri Luis Urangak Realeko lehendakari kargua utziko duela iragarri izana ona ala txarra den esaterakoan.

KIROLA**35****Eugik azkenean bai**

Patxi Eugik atzera egin du. Aspe enpresakoekin bildu da eta Lau t'erdiko finala jokatu egingo duela adierazi du. Pilotak txarrak direla berretsi du, ordea.

KULTURA**42-43****Castejongo nekropolia**

Burdin Aroko hilobiak aurkitu dituzte Nafarroako herri horretan, Iberdrolak zentral bat egiteko asmoa duen eremuan.

Egunkaria euskaldunon 3.112. zenbakia

Ohorezko Lehendakaria: Martin Ugalde

Administrazio Kontseiluko Lehendakaria: Joan Mari Torrealdai

Kontseilari Ordezkarria: Inaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudarien etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com


Batzorde Parekidea: 72664 E Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ Araba: San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdi, Nafarroa Beherea, Zuberoa: Pannecau 14, 1 503 Posta
kuxkatila, 64100 Baiona Tel.: 559593575 Faxa: 559257511

mattin**hizpideak****Kezka Kantauri itsasoan**

Ez datoz berri onak Bruselatik arrantzaleentzat. Europako Batzordeko Arrantza ministroek legatzaren harrapaketa kuota % 54 jaistea erabaki dute, eta arrantzaleek berehala esan dute alturako sektorea arriskuan egon daitekeela neurriak hartzen ez bada. Ministroek proposatu dute alturako flotak beste espezie batzuen bila aritu behar-

ko duela, eta kontsumitzaileak kezkatu ez daitezen legatza ez dela garestituko Txile, Namibia eta Hego Afrikatik ekariko dutelako.

Bertako arrantzaleek erabaki zorrotz egitza jo dute Bruselak hartutakoa, eta Eusko Jaurlaritzarekin biltzekoak dira egoera aztertzeko. Eta badute zertaz hitz egin; dagoeneko Jaurlaritzako ordezkariak azaldu dute Espainiako Arrantza ministroak ez dituela Bizkaiko eta Gipuzkoako arrantzaleen interesak behar bezala defenditu eta Espainiari dagokion harrapaketa kuota Kantauri-

ko Itsasoko gainerako flotekin nola banatuko den beldur dira. Euskal arrantzaleak Bruselarekin haserre badaude ere, Espainiako Gobernuak Gipuzkoako eta Bizkaiko arrantzaleei zer kuota emango dien ikusteko baitago. Alegia, berriro ere agerian gelditu da Euskal Herriaren interesen etorkizuna Bruselan eztabaidatzen den bakoitzean Frantziako edo Espainiako gobernuen esku dagoela defentsa. Eta hori zuzena ez izateaz gain, arriskutsua ere bihur daiteke, egoera politikoaren arabera defentsa egin dezaketelako.



Alturako arrantzontzi bat, Santurtziko portuan.

Badaiotz taldea, Arabako Sokatira Txapelketan.

**Abdula Ocalanen aldeko erabakia**

Europako Giza Eskubideen Auzitegiak onartu egin du PKK Kurdistango Langileen Alderdiko buru Abdula Ocalanen abokatuek lider kurduaren kontrako heriotza zigorrari jarritako helegitea. Hilabeteak igaro daitezke Estrasburgoko epaitegiak auzi honi buruzko azken erabakia eman arte, baina atzokoa buruzagi kurduaren aldeko posizionamendu moralizat jo daiteke, eta Turkiako Gobernuaren kontrako jarrera gisa, Ankarak heriotza zigorra oraindik indarrean daukako.

Zorionak, Kafe Antzokia

Euskaltzaleok poz ikaragarria hartu genuen Bilboko Kafe Antzokia zabaldu zenean. Hiri giroan euskaraz bizi ahal izateko premia zen esparrua eskaintzea zen helburu nagusia. Hori eta askoz gehiago lortu du, ordea. Gure kulturen oinarritutako jarduerak eskainiz, euskaldunak ez ezik erdaldunak ere erakarri ditu, eta hainbat proiektu martxan jarri ditu: Bilbo Hiria Irratia, Zenbat Gara elkarrekin, euskaltegia... Atzo bost urte egin zituen Kafe Antzokiak. Zorionak, eta euskararen katea ez dadila eten.

Txapelketak eta PPren txapelkeriak

Arabako euskal ikurrik ez dute etorkizun onik, PPK Foru Aldundiko gobernuak hartu duenetik. Txapela euskal ikurra baita, nonbait, eta desagertarazi beharrekoa. Bada, etorkizunean ezin izango da Arabako txapelketarik antolatu kirolean, Diputazioak eman ohi dituen diru laguntzak jaso nahi badira behintzat. Guztiak berdinarrai-tuko du, txapela berdinarrai-tuko du irabazleak, baina txapelketen ordeztortoneoak jokatu dira. Lehiaketa beharrean kirola bultzatu bide nahi du Foru Aldundiak. Arrazoi txepela.